



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

De Fide.

[urn:nbn:de:hbz:466:1-66472](#)

Sæcul. XVI. copiam fecit alienæ, jam ante divortium ma-
A.C. 1527. ritus desit esse.

IV. Quemadmodum ignis non est ignis, nisi calcat, ita conjugium non est conjugium, nisi ex duobus fiat unus, ex tribus, vel ex quatuor una caro fieri non potest.

Hæ quatuor propositiones, inquit Facultas, quatenus per eas prætendi videtur, matrimonium per adulterium dissolvi quoad vincula, hæreticæ sunt: est enim vinculum matrimonii jure divino indissolubile, ut ad Corinthios scribens Apostolus demonstrat, cum inquit: Iis autem, qui matrimonio juncti sunt, præcipio: Non ego, sed Dominus, Uxorem a Viro non discedere: quod si discesserit manere innuptam, aut viro suo reconciliari; Et rursum: mulier alligata est legi, quanto tempore vir ejus vivit; Et eadem omnino est ratio de viro, sicut de muliere, quia in ejusdem B. Pauli sententia, sicut mulier sui corporis potestatem non habet, sed vir, ita vir sui corporis potestatem non habet, sed mulier.

*Ibid. c. 7.
v. 39.*

Tanta præterea indissolubilitas est matrimonii, ut nec per hæresim, quæ est fornicatio spiritualis, dissolvatur.

De Fide.

Ex iis, quæ Erasmus de fide docuit, quinque extrahebantur propositiones.

I. Fides,

I. *Fides, quæ friget absque charitate, Sæcul. XVI.
nec se profert, ubi res postulat, ne fides qui-
dem est, tantum est inane fidei nomen.*

A.C. 1527.
Ex Erasmo

II. *Fides & charitas natura conjuncti, in ep. Jacob.
sima sunt, & alterum ab altero divelli non
potest. Et paulo post: Charitas fidei co-
mes individua.*

III. *Certum est utramque alteri indivi-
duam esse comitem.*

*Hæ tres propositiones sunt hæreticæ &
sententiae Apostolorum Pauli & Jacobi con-
trarie. Paulus namque fidem sine charitate
posse esse ostendit, cum inquit: Si habuero
enim fidem ita ut montes transferam,
charitatem autem non habuero, nihil
sum. Jacobus etiam in eo capite, in quo
dicit fidem sine operibus mortuam esse,
appellat fidem simpliciter illam, quæ est sine
operibus, dicens: Quid proderit fratres,
si fidem quis dicat se habere, opera au-
tem non habeat? Nunquid poterit fides
salvare eum? Unde patet, quod fides abs-
que charitate aut operibus bonis fides appel-
landa est.*

IV. *Fides sola purificat corda, reddit-
que idonea, quibus credantur Philosophiae
celestis arcana.*

V. *Sola credulitas via est ad immortaliti-
tatem.*

VI. *Quid exigit Christus a suis nisi
fidem?*

Has

Sæcul. XVI. Has propositiones Facultatis Theologicæ Doctores his verbis perstringunt:
 A.C. 1527 *Tametsi requiritur fides ad asequendam beatam immortalitatem & ad cordium purificationem, ut docent sacræ Litteræ, non tamen eam solam ad hoc requiri aſſtruunt, sed potius oppositum, unde ait Jacobus Apostolus: Videtis, quoniam de operibus iustificatur homo & non ex fide tantum; & Paulus: Non enim auditores legis iusti sunt apud Deum, sed factores legis justificabuntur. Quare hæc propositiones cum hujusmodi conclusione positæ Scripturis non consonant, quæ ubique bona opera prædicant, & offendiculum cædem propositiones natæ sunt præstare pusillis, quasi videlicet non sint necessaria fidelibus bona opera, sed sola fides sufficiat ad salutem.*

De quibusdam desideriis ad Fidem spectantibus.

Ex Erasmo Affirmabat Erasmus: I. Utinam illud saltem aperuisset Paulus, a quibus, quo tempore, quo cultu, quo ritu, quibus verbis consecrari soleat panis ille mysticus & sacerdotium Dominici Sanguinis poculum.

Censet Facultas, quod curiosum sit hoc desiderium & futile, atque impium; sufficienter enim sunt per Scripturam sacram determinata, quæ pro salute fidelium expeditum per eam determinari.

II.